

**Parlimen: Kerajaan Tanggung Kerugian Operasi RAS Lebih Rm249 Juta  
Bernama  
3 November , 2011**

KUALA LUMPUR, 3 Nov (Bernama) -- Kerajaan membelanjakan lebih RM249 juta untuk membiayai kerugian operasi Perkhidmatan Udara Luar Bandar (RAS) di Sabah dan Sarawak.

Timbalan Menteri Pengangkutan Jelaing Mersat berkata kerugian itu adalah bagi tempoh 1 Ogos 2006 hingga 30 Sept 2007 yang ketika itu dikendalikan oleh syarikat penerbangan Fly Asian Xpress (FAX), anak syarikat kepada AirAsia.

"Kerugian itu termasuk tanggungan sewa pajakan bagi pesawat-pesawat yang digunakan untuk RAS," katanya menjawab soalan Datuk Dr Mohd Hayati Othman (PAS-Pendang) yang ingin tahu mengenai jumlah subsidi yang diberikan kepada AirAsia semasa melaksanakan RAS pada persidangan Dewan Rakyat hari ini.

Jelaing berkata pengendalian operasi RAS itu terpaksa ditukar dan diberikan kepada MASWings Sdn Bhd, anak syarikat Penerbangan Malaysia (MAS) selepas menerima rungutan pelanggan yang tidak berpuas hati dengan perkhidmatan FAX.

Katanya di bawah pengendalian MASWing, kerajaan berjaya menjimatkan sebanyak 50 peratus perbelanjaan subdidi untuk operasi RAS itu.

---BERNAMA

Copyright © 2011 BERNAMA

Source: <http://www.bernama.com/bernama/v5/bm/newsindex.php?id=624357>